

11. KHASIANGTHO MIMAL LEH A NASEP

a) Laisiangtho bulphuhte:

Jn. 14:12, 15-27 Acts 1:4-8;
Jn. 16:5-15 1Cor. 2:9-16

b) Thupatna

Khasiangtho pen telmun om lo hong thuzawh khat aihkeh telzawh loh ngaihsutna khat peuh hilo in, amah pen mimal (person). khat hi. Hih pen amah kizop pih theih leh amah leh amah eite tungah a taktak in hong kibawl thei cihna hi. Eite in amah i muh theih ding kisam lo a, ahi zong in amah pen a tak tak hi a, i sunglam hihna tungtawn in i nuntaknate ah lungsim sukkhakna lian hong bawl thei hi. Amah pen thumgawm Pasian lutang ah a thumna hi. Pa Pasian leh Tapa Pasian bangmah in Khasiangtho zong a tawntung (Heb. 9:14)., **omnipresent**- mun khempueh a om (Psa. 139:7)., **omniscient** na khempueh thei (1Cor. 2:10)., **omnipotent**- vangliatna khempueh a nei ahi hi (Lk. 1:35). Mimal hihnate zong lak hi.

Thutheihna (Rom. 8:27)., Lunggulhna(1Cor. 12:11). leh khuaphawk theihna, lungsim sukkhak theihna (Eph. 4:30).. I nuntakna om zia tuamtuanah ah amah om a, eite tawh kizom in, eite ading amah leh amah kihong leh ama lam ah eite zong kihong a i thuh kik nading hong zong hi. Amah mimal hi a, a mimal in hong hopih hi. Thu um mi khat ciat in Khasiangtho a om taktak na leh a vangliatna a theih ding hi a, ama hihna laigil ah a nuntakna uh tun in a nuntakna vuah tha hatna pia hi (Jn. 7:38-39). Khasiangtho tawh lo in eite in Pasian vangliatna sungah nungta thei ngei lo in, i nisim nuntakna ah pasian thahatna thei lo ding hihang. Mihing a i omna ah nopna kicing leh tangtunna a om theih nading in i Pa Pasian kiangpan a i ngah letsong lian Khasiangtho kisam hi.

c) Laisiangtho in lampi tuamtuan tawh Khasiangtho Pulak

i) Min tuamtuanah tungtawn in; gentehna in,

- A hoih kha (Neh. 9:20).
- Pasian kha (Matt. 3:16).
- Thulakpa (Jn. 14:16,26).
- Thuman thutak kha (Jn. 16:13).
- Khazih kha (Rom. 8:9).
- Tapa hihna kha (Rom. 8:15).
- Hehpihna kha (Heb. 10:29).

(ii) Ciaptehna limte tungtawn in

- Vakhu (Matt. 3:16).
- Aw nging (I Kings 19:12).
- Seal (Eph. 1:13).
- Tui leh nuntakna tui (Isa. 44:3; Jn. 7:37-39).
- Huih (Acts 2:2).
- Sathau (I Samuel 16:13).
- Mei (Acts 2:3).

d) Zeisu Nungzui khat tungah Khasiangtho Nasep

- Dawite hong hawlkhiasak thei hi (Matt. 12:28).
- Khatvei hong suakkik sak nop bang in thu hong ngen thei sak hi (Mark 13:11).
- Khatvei hong suakkiksak hi (Jn. 3:5-8).
- Amah a tawntung ading i lamlak hi ding hi (Jn. 14:13).
- Amah eite sungah nungta hi (Jn. 14:17).
- Amah in eite hong hilh hi (Jn. 14:26; Jn. 16:13-14).
- Amah in eite hong kikheel sak hi (Jn. 16:8-11).
- Amah in eite Pasion tecite i hih theih nading vangliatna hong pia hi (Acts 1:8).
- Amah in eite lungtang sungah Pasion itna hong tumsak thei hi (Rom. 5:5).
- Amah in eite kha tawh Pasion tate i hihna teci pang hi (Rom. 8:16).
- Amah in eite thaneemna hong huh hi (Rom. 8:26).
- Amah in eite thumanna leh nopna hong nei theisak hi (Rom. 14:17).
- Amah in eite lam-etna tawh eite hong tuam hi (Rom. 15:13).
- Amah in eite hong sawpsiang hi (Rom. 15:16).
- Amah in eite ading mi hoihsak bangin letsongte hong pia hi (1Cor.12:4-11).
- Amah in eite sungah khagahte hong pia hi (Gal. 5:22-23).
- Amah in eite sungah nopna hong om thei sak hi (1 Thessalonians 1:6).

e) I Nuntakna ah Khasiangtho Vangliatna i kisapna a thupi a hang lite

(i) I suah theih nading vangliatna

I sungah Pasion vangliatna lo tawh Pasion tate kisuak thei ngeilo ding hi. Mihing in a lampi masuah khin in Pasion man thei nawn lo hi. Khasiangtho naseppen i kha lam kisapna hong phawng in Pasion kiang tun kik nading a, lampi ah Zeisu kiang ah hong tunpih kik ding ahi hi (Jn. 1:12-13). Khasiangtho vangliatna i sungah na a sepna tawh eima thahatna tawh i zawh ngeiloh ding pen i kicingsak hi. Eite Pasion tate suak in ama innkuan sung mite bang in gamtang in i nungta thei hi.

(ii) I hih theih nading vangliatna

I nisim nuntak nading in eite sungah Khasiangtho tungtawn in vangliatna i nei hi. Upna tawh nuntakna ah i nuntak theih nading leh ni khat khit ni khat Zeisu sungah nuntakna thak pen in bang khiatna nei hiam cih midngte ading etteh i hih theih nading in Pasion in ama vangliatna i theih ding hong deihi hi. I pumpi thaneem ahihna i thei a, ahizong in ei kia bek hilo hihang. Pasion in eite sungah kha vangliatna lampi hong honsak hi. Pasion mahmah i lungtang sungah teeng hi (Eph. 3:16-17).

(iii) I Gualzawh nading vangliatna

Christian thu um khatciat pen galphual ah teng hi. Christian i suah ma in Satan lam-ah kiom a, ahi zong in Zeisu nungzuih ding i teel teh a gualzo lam Pasion lam ah kiom hi (Eph. 2:1-5). Satan in Zeisu nung i zuih na pan i khawlnading hong hanciam mah bangin i upkhit ciang a i tuah khak galdona pen haksa zaw tham hi. Eite in thahatna i neih nading leh dawimangpa bangci zawh ding cih i theih nading in Pasion in ama vangliatna eite sungah hong ngahsak thei hi (Jn. 4:4).

(iv) Hawmkhiat ding vangliatna

"Khasiangtho hong pai ciangin vangliatna na ngah dinguh a, Jerusalem leh Judea khempeuh leh Samaria leh leitung a mong dongah ka tecite na hi dinguh hi." (Acts 1:8). 'Vangliatna' (Power). cih pen 'dunamis' cih kammal pan hi a, tua pen

Mangkam a 'dynamic' cih kammal i ngahna hi.

Zeisu nuntakna teci i pan theih nading in tua bang vangliatna tawh i kidim ding Pasion in hong deih a, Zeisu thu a gen thei ciang bek hilo in, midang numei pasalte mai-ah Zeisu tawh kisun semsem ding cih ahi hi. Tua pen Khasiangtho vangliatna tawh thugen in numei pasalte i lawn teh amaute tawh Zeisu a om khawm bang dan hi ding hi (Jn. 14:12).

f) Letsongte leh Gah

Pasion in eite tungtawn in na lianpite a kispeng ding a deih bek hilo in, na lian pite eite zong hong pia nuam hi.

(i) Khasiangtho letsongte:

Hihite pen Pasion in a ngeina ding sang a valzaw a hong piak hi. Pianken kivaknate na ngawn ama minthanna kicing a a zatma in Pasion tungah ap ding thu kisam hi. Pasion deih bang sep nading leh biak nading leh a nasep na dingin eite hong tat/puak ding pen Khasiangtho hi (1Cor. 12:7; (1Cor. 12:7-11 leh Rom. 12:6-8). a om letsongte in eite ading a kingah thei letsongte kigualh dan i tel nading hong huh hi. Pa in ama deihna leh ngimna tangtun sak nading a a kisapte uh leh leitung ah Zeisu vangliatna teci pan theihnading in ama tate in bangmah kisap a neih loh na dinguh kician tak in sem hi.

(ii) Khasiangtho Gah:

Hihite pen letsongte zahmah in thupi hi. Khasiangtho gah pen i nuntakna ah Khasiangtho in nasem in Zeisu ngeina zia tawh kibang ding a hong kheelna lahna ahi hi. I nuntakna teci pen thupi mahmah hi. Khasiangtho gah pen Gal. 5:22-23 ah kigual a, hite pen Zeisu zia hi. Khasiangtho in ama gah khaicite eite nuntakna ah hong suan (Plant). hi. Amah i dawn kikna in ei le ei kihong semsem a, ama thuzawhna siangtho sungah i om ding eite thu hi ta a, tua hi leh i gamtatna leh i lungsimphut ah Zeisu tawh kisun semsem ding hihang.

g). Khasiangtho tawh kidimna hanga sukkhaknate (Effects). Banghiam?

(i) Zeisu lam ah:

Tu ni in Zeisu pen vangliatna leh thuneihna tawh Topa bangin nungta hi ci in ni dang a na theih khak ngeiloh zah in na thei ding hi (Acts 2:32-36).

(ii) Pasion lam ah:

Nang ading a Pasion itna a thuukna na sinkha ding a, (Rom. 5:5). Ami Pa hihna khamuanna thak sungah pai in, (Rom. 8:15; Gal. 4:6). Lungdamna leh lungmuanna tawh amah it in na phat theih nading hong kisuaktasak ding hi (Eph. 5:18-20).

(iii) Khasiangtho lam ah:

Hong ompihna leh hong makaihna na phawkthei ding, (Eph. 4:30; Rom. 8:14). Khasiangtho letsongtampi leh nam tuamtumte sangdingin na kihong ding hi.

(iv) Midangte lam ah:

Midangte tungah kihong zaw sem in, na it zaw sem ding a, Khazih pumpi Pawlpi adingin na kihel nuamzaw sem ding hi (1Cor. 12:12-13).

(v) Leitung lam ah:

Zeisu ading teci pan na ah na hangsan na ah na khangding hi (Acts 1:8; Acts 4:31).

(vi) **Kha galdona lam ah:**

Na galte tungah Khazih Zeisu sunga na thuneihna na tel zaw sem ding a Pasion Gam kho in, a kikeekna na mu thei ding hi (Eph. 6:10-18; Eph. 1:17-23).

h) **Kam tuam vai a bangci a leh?**

I Pa in Khasiangtho tawh hong dim in aih keh Khasiangtho sungah hong phum teh hih letsong a ngah dingin lamen thei hi teh. Hih pen Zeisu zuihna ah pan pihna/ huhna khat hi.

- Hih pen Zeisu in a kamciam letsongte lakah khat hi (Mark 16:17; 1Cor. 12:10).
- Hih pen Pasion tawh na kizop theihna khat, kha leh kha kizop theihna hi a, nang phatuam na hong pia hi. i.e., nang hong kilamto sak in, na kha hong thahat sak hi (1Cor. 14:2,4 & 14).
- Hih pen cikmah a na sin ngei loh nang ai tuam kampau letsong khat hi (Acts 2:4, 7 & 8).
- Hih pen Pasion deih bang zia a thunget nading hong huh khat hi (Rom. 8:26-27).

i) **Dotna leh Kikupna te**

1. Pasion in hong deihsak bang ci ciang dinmun ah na nuntak theih nading Khasiangtho in bang lampite ah hong huh hiam?
2. Bang lampite sungah Khasiangtho in hong huh Khazih zo hiam?
3. Ni khat khit ni khat nungzui man aih keh Zeisu bang a na nuntakna ah midangte ading na nuntakna etteh ding khat ahi hiam?
4. A kizangthei zaw a muibun zaw Zeisu nungzui na hih theih nading in na nuntakna sung bangte ah Khasiangtho tung kipiak ding kisam hiam?
5. Thu um mi khempeuh kamtuam a a pau ding a kisam hiam? Aih keh hih pen teel theih, nu siat theih lel khat hiam?

j) **Tomlakna leh Zatpahna**

1. Khasiangtho pen thumgawm Pasion sungah a thumna hi a, eite ading lamlak thudot hi nuam in Zeisu leh Pa Pasion kiangah hong tun hi.
2. Khasiangtho pen thu um khat ading vangliat na ngah theihna nak hi a, Pasion deih bang sem theisak dingin leh Pasion deih bang hi dingin huh hi.
3. Khasiangtho tungtawn in eite in Zeisu vangliatna leh Zeisu ziate nei thei hihang.